

Sarkina Bt Mat Saad @ Shaari

From: Pusat Asasi Pengurusan
Sent: Thursday, October 11, 2018 1:31 PM
To: UUM - All Staff
Cc: Prof. Dr. Abd Razak B Yaakub; Prof. Madya Dr. Munif Zariruddin Fikri b. Nordin; Dr. Mohamed Ali bin Haniffa; Faizah Bt Hashim
Subject: "TAUTAN KASIH, JALINAN MESRA" PUPUK SEMANGAT BERPASUKAN PELAJAR PROGRAM ASASI PENGURUSAN



Pusat Asasi Pengurusan
CENTRE FOR FOUNDATION STUDIES IN MANAGEMENT
Universiti Utara Malaysia

11 OKTOBER 2018/ 02 SAFAR 1440H

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

"TAUTAN KASIH, JALINAN MESRA" PUPUK SEMANGAT BERPASUKAN PELAJAR PROGRAM ASASI PENGURUSAN



PAP On-line - Pada 6 Oktober 2018 lalu, para kaunselor pelatih di Pusat Asasi Pengurusan telah menganjurkan program **"Tautan Kasih, Jalinan Mesra"**. Program santai ini melibatkan pensyarah, staf dan pelajar Pusat Asasi Pengurusan, Universiti Utara Malaysia (UUM).

Program ini bertujuan membina dan mengeratkan hubungan silaturahim antara pensyarah, staf serta pelajar Program Asasi Pengurusan. Selain itu, program berbentuk relaksasi dan sukaneka ini bertujuan memupuk nilai-nilai murni, seperti semangat berpasukan, kemahiran komunikasi serta adab pergaulan yang sihat dalam diri peserta.

Pada jam 8.00 pagi, para pelajar telah berkumpul di padang bola baling, Pusat Sukan UUM bagi aktiviti senaman zumba yang dikendalikan dengan penuh bertenaga oleh Puan Sabasiah Husin, pensyarah dari Pusat Pengajian Psikologi Gunaan, Dasar dan Kerja Sosial (SAPSP). Majlis perasmian telah disempurnakan oleh Dr. Mohamed Ali Haniffa, Timbalan Pengarah (Pembangunan Pelajar) mewakili Pengarah, Pusat Asasi Pengurusan.

Acara perbarisan pelajar setiap kelas berjaya menarik perhatian tetamu yang hadir. Setiap kumpulan perbarisan mempamerkan bendera kumpulan, maskot, keseragaman pakaian dan persembahan. Gimik persembahan mereka sangat mengagumkan dan berjaya menonjolkan kreativiti dan semangat berpasukan dalam kalangan pelajar. Sembilan acara sukaneka telah dilangsungkan. Antara sukaneka yang berjaya mendapat sambutan ialah acara tuju selipar, tarik tali dan lumba lari.

Kemeriahan program “Tautan Kasih, Jalinan Mesra” turut diserikan dengan kehadiran Pengetua dan tiga orang felo Inasis Tenaga Nasional Berhad (TNB). Adalah diharapkan hubungan yang dibina di antara pelajar dengan pensyarah, felo dan staf akan terus terjalin pada masa akan datang.

Pusat Asasi Pengurusan mengucapkan ribuan terima kasih kepada semua yang terlibat khususnya Puan Sabasiah Husin, Encik Mohd Idzwan Yacob, Pengetua Inasis TNB, Encik Mohd Fitri Yusoff, Encik Muhammad Noor Fitri bin Ahmad dan Puan Syazwani Daud daripada Inasis TNB.

Program “Tautan Kasih, Jalinan Mesra” berakhir dengan majlis penyampaian hadiah kepada para pemenang.

SEKIAN.

=====

DARIPADA:

**PUSAT ASASI PENGURUSAN
UNIVERSITI UTARA MALAYSIA**

TEL.: 04-928 3452/3456

FAKS: 04-928 3453

E-MEL: asasi@uum.edu.my

FACEBOOK: Pusat Asasi Pengurusan

LAMAN WEB : Pusat Asasi Pengurusan



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.